



# Press Release **BirdLife International** **Cambridge, UK.**

Datum: Nov 3, 2008

Kasi mitar di e áreanan mas importante pa protekshon di para den Karibe, not ta karga ningun protekshon!

Di e 770 sortu di para ku ta haña de área di Karibe, 148 sortu ta endémiko (pues no ta haña nan na otro parti di mundu). Di esenan 105 sortu ta limitá na no mas ku un isla. Únikamente 10% di e habitat natural ku e paranan aki mester pa sobreviví ayinda ta eksistí. Esaki ta pone ku 54 sortu ta mundialmente menasá ku ekstinkshon, di kua 12 sortu hasta gravemente.

E buki saká últimamente pa **BirdLife International** kual ta titulá “*Important Bird Areas of the Caribbean: key sites for conservation*” ta un marka mayor pa e esfuersonan regional riba tereno di protekshon di para. Huntu ku ekspertonan for di region, a identifiká i dokumentá 283 área di importansia, e asina jamá “Important Bird Areas..IBA”. Den kuadro regional e áreanan aki ta di grán importansia pa para i a keda stipulá komo tal a base di kriterianan internashonalmente rekonosé.

E red di área Karibense aki ta kore peliger pa un kantidat di menasa entre kual tambe e hecho ku 43% no tin ningun nivel di protekshon. “Fuera di esei, hopi di e áreanan ku sí ta indiká komo parke no tin ni rekursionan mínimo ni personal pa duna niun realse na manheho ni protekshon.”, asina David Wege di **BirdLife International** ta deklará.

E kantidat di IBA ta varia di país ku únikaamente unu, manera Bermuda i Saba, i otro ku hopi, manera Bahamas ku tin 39 área

identifiká. E áreanan ta varia den tamaño di un hektare te ku mas di 500 mil hektare manera e Ciénaga de Zapata in Cuba.

51 di e paranan mas menasá ta representá den e red di prioridat IBA Karibeño. Diés di e sortonan menasá ta haña úníkamente den ún área IBA. E áreanan aki pues ta di importansia krítiko pa sobrevivensia di e sortonan en kuestion i ta meresé e prioridat regional más haltu.

E informashon kompilá den e buki aki ya ta dunando base pa revishon di prioridatnan di konservashon nashonal i pa identifiká e informashon ku falta ayinda. “Mihó protekshon di e áreanan aki por yuda e diferente gobiernunan pa kumpli ku e debenan di diferente tratado internashonal manera e Tratado di Biodiversidat” David Wege ta sigui bisa. Tambe mester realisá ku e IBAnan ta representá oportunitat grandi pa desaroyo social-ekonomiko, mirando ku hopi di e áreanan ta fuente di entrada duradero pa habitantenan (p.e. komo atrakshon turístiko).

Pa Antía i Aruba ta e añanan largu di inbestigashon di Carmabi i e kontribushonnan di e diverso parkenan nashonal a proveé e informashon pa e kapitulonnan riba Antía Hulandes. E isla ku mas IBA ta Boneiru (6 total) bou kua p.e. Parke Washington-Slagbaai, i Klein Bonaire. Pa Kòrsou ta trata di 5 area, kual ta área di Kristof, Janthiel, Klein Kòrsou, Malpais i dam di Muizenberg.

Foto: E Kùt Karibeño, un sorto regionalmente menasá, den Dam di Muizenberg.